

恪錄丹誠仰遵玄爰闢神燈而上徹萬聖迴
臨輝靈燭以旁瞻諸天遙唱降簡據於巨億
衍聚多於大千伏願萬象證明靈燭輝觀
願自樂門迎紫炁以開祥視履相歡戶網清
光而薦瑞八表同歸於泰定九域咸底於時
雍鼓舞有情皈依无上為如上緣念度人無
量天尊不可思議功德

靈寶領教濟度金書卷之二百三十六

靈寶領教濟度金書卷之二百三十七 育

洞微高士開光啟苦真人寡金真經
靈寶通玄私教水南先生林靈真編

科儀立成品祈嗣用

早朝行道儀

燒香頌

各禮師存念如法

宣衛靈呪

青陽虛映耀日回靈神虎辟邪飛天流鈴
摧奸滅試萬魔束形九微迴道八威攝精
千真校錄三元蕩精左肅中黃右策六丁
七轉八合周旋天經聖化巍巍三道順行
慶雲流布合異黃庭和與道合真

鳴法鼓二十四通

无上三天玄元始三炁太上老君召出身
中三五功官左右官使者侍香金童傳言玉
女五帝真行直日香官各三十二人出出者
嚴裝開啓玄壇天帝神君會召此間土地里
域真官正神急上開啓臣今奉為入齋意以
今清且陞壇行道願得玉清道炁靈寶妙光

下降流入臣等身中今臣所啓速速運御
太上无極大道至真玉皇上帝御前

謹稱法位

具位臣某與臨壇官眾等謹同誠上啓

無極大道虛無自然元始天尊太上道君太

上老君昊天至尊玉皇上帝紫微天皇帝

紫微北極大帝后土皇地祇南極長生大帝

東極青華大帝好生丈人真君九天應元雷

聲普化天尊長生保命天尊福生無量天尊

十方靈寶天尊十方已得道大聖眾至真諸

君丈人諸天天帝瓊闕高真玄都玉京金闕

七寶瓊臺紫微上宮靈寶至真明皇道君上

相上宰上保上傳四司五帝十二仙卿三十

六部尊經玄中大法師三天大聖師靈寶經

籍度三師真君靈寶官屬三界真靈臣聞生

天生地混成疑一炁之宗司陰司陽觀妙散

萬殊之象位日月星辰於圓蓋莫山川草木

於方輿謂物最靈備四時而語上惟人為貴

周十月以受中調理三綱主張庶政凡固生

成之造孰逃化育之功臣等欣際夙緣獲參

正道玄風披拂翻鴻寶於枕中化日融怡度
駒陰於窓外尚道雷霆之責俾沾雨露之恩
黼黻皇猷宮商帝載既承皈皈向敢不聞聞齋
意青詞謹當敷露

宣詞

按如詞旨備極忱恂臣聞九炁氤氳結生根
於紫戶三元育化凝命帶於黃房故胞胎蒐
蒐藏府窈窕景神於周圍藉蒼赤青綠黃白紫
黑碧之混合敬諾敬順符驚天駭地之祥唱
奉唱恭契負陰抱陽之應雖賦形於中土實
受炁於一玄今齋主某幸際昌期忝膺餘慶
受祖寂繼承之重當門戶付托之隆宜室宜
家雖有齊眉之奉以嗣以續莫圓坐膝之歡
恐歲月之屢遷致春秋之漸暮夙宵米履食
息淵臨自非皈命於蒼穹曷克紹形於黃混
爰清蓬宇恭啓楓壇燒香散花舞霓旌而容
輿建齋行道翻羽葆以飄飄真龍壁於五靈
羅鳳繒於十界所冀獅頭光動龍尾班催為
齋主某拜手虔祈敷心密禱即生福德智慧
之子九厄無侵共享富壽康寧之休千祥允

被克光宗祖榮紹門閭寶躬拜於鴻休肅密
符於蟻佃以今清旦行道運茲初捨上香
願此香煙騰空運上供奉
无上至真道寶臣等皈身皈神皈命首體投
地仰依太上三尊願以是功德上祝

皇帝陛下伏願道契奕軒功伴履登垂衣御
極八荒昭文軌之同負宸朝元九有來梯航
之遠觀風慕義就日皈仁問寢龍樓孝友章
彰於聖學待朝鳳閣儉恭克稟於天筭襲茅
土以衛中畿坐椒房而禪外閭今故燒香自
皈依

師尊大聖東至真之德得道之後保天長存
和與道合真
以今清旦行道運茲二捨上香
願此香煙騰空運上供奉

无上至真經寶臣等皈身皈神皈命首體投
地仰依太上三尊願以是功德歸流四岳九
拔庶尹百僚伏願彬彬佐運扶扶同仁寅亮
而彌一人槐庭日永獻納而毗庶政棘寺風
清垂竹帛之高勳紀新常之偉績經邦論道

皆奉稷稷契之材宣化承流悉遂霸茂恭之
彥弘治原於大定開政本於時雍今故燒香
自皈依
師尊大聖東至真之德得道之後長享和平
和與道合真

以今清旦行道運茲三捨上香
願此香煙騰空運上供奉
无上至真師寶臣等皈身皈神皈命首體投
地仰依太上三尊願以是功德歸流九州四
海萬姓三軍伏願愛日舒運仁風披冒河清
海晏百室盈而婦子寧地平天成五穀熟而
人民育林澤不逢於冷蠅田疇無撓於霖蝗
四塞春濃有歸馬放牛之樂八圓風靜無號
狸舞鱗之憂四海會同黎民於變今故燒香
自皈依

師尊大聖東至真之德得道之後永保清寧
和與道合真
禮方 懺方
三啓
樂法以為妻 愛經如珠玉 持戒制六情

念道遠所欲 澹泊正氣停 蕭然神靜默
天魔並敬護 世世受大福

又

鬱鬱家國盛 濟濟經道興 天人同其頌
縹緲入大乘 因心立福田 靡靡法輪昇

七祖生天堂 我身白日騰

又

大道洞玄虛 有念无不契 鍊質入仙真
遂成金剛體 超度三界難 地獄五苦解
悉歸太上經 靜念稽首禮

三禮

臣等至心稽首禮

大上无極大道

臣等至心稽首禮

三十六部尊經

臣等至心稽首禮

玄中大法師

重稱法位

具位臣某與臨壇官眾等謹同誠上啓

無極大道虛無自然元始天尊太上道君太

上老君昊天至尊玉皇上帝紫微天皇大帝
紫微北極大帝后土皇地祇南極長生大帝
東極青華大帝好生丈人真君九天應元雷
聲普化天尊長生保命天尊福生無量天尊
十方靈寶天尊十方已得道大聖眾至真諸

君丈人諸天帝瓊闕高真玄都玉京金闕
七寶瓊臺紫微上宮靈寶至真明皇道君上
相上宰上保上傳四司五帝十二仙卿三十
六部尊經玄中大法師三天大聖師靈寶經
籙度三師真君靈寶官屬三界真靈臣等聞善

衍蟄蟄由祖宗積累之功昌熾繩繩皆門戶
興隆之兆或降生而享萬鍾九鼎或誕彌而
膺五福百齡夫豈人為本由天授故善惡有
同於影響而吉凶若契於鼓桴冥報昭然陰
條煥若今齊主某洗心事帝潔己瞻天念嗣
續之未諧恐年齡之易邁兢兢三省懣懣九

思慮自無始以來迨至有生之後六根造惡
叛綱常而不念人倫三業構非踐名檢而罔
知天屬射飛逐走發誓傾巢恣鞭朴以傷胎
縱華管而損孕致罹絕續莫贖前愆致命犯

孤宿寡辰或運值地殃天賊劫傷歲月刃觸
日時遂令熊夢之未符坐使麟兒之莫兆匪
由帝渥曷副民衷是以修齋誦經燒香行道
懺前非於既往徼後福於方來伏冀玄極流
恩紫宸錫羨脫萬劫無名之障累賜三生有

造之機緣早諧抱送之祥即協偕隨之喜人
中殊勝自髻鬣而無難無災善地受生享期
順而有福有惠先榮宗祖慶濫門闈家如懇
切之祈允拜提携之造上願三光煥耀四炁
朗清風雨均調煙雲蔽靜陰宇陽蝕四時無

挽於黎元地癘天災八節常安於兆庶鞠圓
扉於青草靜方野於綠林五苦二途息水火
陰陽之考九幽八難絕山林刀劍之憂動植
生生飛潛化化則上明
天尊大慈之化下副臣等皈命之誠謹啓以
聞

舉念

一念為道四大合德齋主七世父母免脫憂
苦上升天堂衣食自然

二念帝王國主道化興隆庠序濟濟皇教恢

弘威儀翼翼普天所瞻民稱太平四夷賓
伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相關度

五念九親和睦好尚仁義貴道賤財行為物

範

六念損己布施道士及饑寒者天下人民各
得其所

得其所

七念蠕動政行一切衆生成蒙成就

八念赦貫前生今世罪對立功補過

九念家門隆盛宗廟有人世生賢才

十念專受師經不敢中怠平等一心廣度一
切剋獲上仙白日登天拜見太上永成真

人雲車羽駕和與道合真

存神燒香

香官使者左右龍虎君侍香諸靈官當令
建齋之所自然生金液丹碧芝英百靈衆真
交會在此香火爐前令學道得道求仙得
仙齋主受福幽顯沾恩十方仙童玉女侍衛
蘭煙傳臣向來所啓速達逕御

太上无極大道至真玉皇上帝御前

出堂頌

午朝行道儀

燒香頌

各禮師存念如法

宣衛靈呪

丹靈朱火炎霞激風赤輪剛運天光八衝
迸威包羅交變萬方流金豁落群魔滅蹤
辟姦破妖明耀無功金符召制躡雲乘龍
誦誦慶會散花太空神化冥運四極安隆
伏御帝前同有不恭和與道合真

鳴法鼓二十四通

无上三天玄元始三炁太上老君召出
身中三五功曹左右官使者侍香金童傳言玉
女五帝直符直日香官各三十六人出出者
嚴裝開啓玄壇天帝神君當召此間土地里
域真官正神急上開啓今奉為入齋意以
今臨午陞壇行道願得玉清道炁靈寶妙光
下降流入等身中今所啓速達逕御
太上無極大道至真玉皇上帝御前

謹稱法位

具位某與臨壇官衆等謹同誠上啓

聖位臣聞香香冥冥運乾坤而立極恍惚

惚惚位離坎以司方周圓三炁之精華混合

五神之英粹九天稱慶共揚道德之真風五

帝監生同降玄元之化兩紀綱四象幹運兩

儀凡臨下以寓形必受中而賦質等心猶

蟻磨志類蛾燈逐逐塵中自歎駒陰之薄皎

皎霞外未符鯤化之期改過立功脩文領教

凡有控告所合關聞齋意青詞謹當宣奏

宣詞

按如詞旨備切剋勸聞熊夢呈祥顯富貴
聰明之兆燕占降瑞有康寧壽考之期當生
而太乙執符將誕而司命定算聲尚神具不
副不垢以齊臨形貴尊無害無災而化育
雖生成於萬姓身覆冒於一元今齋主素積
善起家脩身應世遙遙華胄期承積累之勤
赫赫高門願副繼承之托舉按雖藉於僣儼
扶床未見於亂髮猶子堪憐願族黨而豈乏
比兒可紹柰昭穆於莫譜恐晚景之侵尋致

盛年之逾邁拊機浩嘆投杼興思匪由祈扣之功曷副虔求之望爰崇丹陛丕闡玄壇劍佩陸離闢十門而拱極旌旄搖曳來四界以朝元龍望投忱鳳繒效歎所冀昭回淵聽洞煥宸綸為齋主共洗滂宿寃斷除舊垢乃生男子家業富而營業稱情忒倍凡人壽基隆而福基如意克光宗祖丕顯門閭以今臨午行道運茲初捨上香

願此香煙騰空逕上供養

无上至真道寶_臣等皈身皈神皈命首體投

地仰依太上三尊願以是功德上祝

皇帝陛下伏願五帝同功三王並德治教禹

貢乘六龍以御天政協虞謨駕八駿而行地

亦縣被忠厚之化黃圖彰豈弟之風一日三

朝表崇德象賢之學六宮庶職慶宦家佐聖

之基端孝友於青宮宜恭儉於彤館今故燒

香自皈依

師尊大聖眾至真之德得道之後保天長存

和與道合真

以今臨午行道運茲二捨上香

願此香煙騰空逕上供養

无上至真經寶_臣等皈身皈神皈命首體投

地仰依太上三尊願以是功德歸流四嶽九

牧庶尹百僚伏願贊治皇朝宣仁巨屏左輔

右弼敦禮樂於九圍前疑後丞藹詩書於四

極群工佐主黎獻共臣紫蓋黃旗集鳳凰於

千里銅章墨綬絕狐兔於一同敷美政以綏

民沛醇俗而輔國今故燒香自皈依

師尊大聖眾至真之德得道之後長享和平

和與道合真

以今臨午行道運茲三捨上香

願此香煙騰空逕上供養

无上至真師寶_臣等皈身皈神皈命首體投

地仰依太上三尊願以是功德歸流九州四

海萬姓三軍伏願雨露無私日月有耀桑麻

萬里轉曉影於春犁桃李一門息宵聲於夕

析家享福鄉之樂俗成壽域之歡城金池湯

斗三錢而夜戶不閉河帶山礪土同價而行

旅無饑熙六合以太平拱九圍而於變今故

燒香自皈依

師尊大聖眾至真之德得道之後永保清寧
和與道合真

禮方 禮方十方同此
儀方尺改方名

等今故燒香皈身皈神皈命

東方无極大道太上靈寶天尊已得道大聖

眾至真諸君大人九炁天君東鄉神仙諸靈

官懺悔齋主某自從無始以來至于今日三

業構惡六情逞非輕慢綱常穢亂名檢天文

不敬地理多違好專醫名辱投藥毒每逞屠

伎胎死刀刑燎撒山林斫伐草木孤辰寡宿

有犯命身六害三刑多妨運限致使男嗣未

繼宗祖疇依今故燒香志心皈命伏願高真

垂憫列聖矜憐告下東方無極世界一切神

司赦原宿愆解除先欲即俾齋主某妻某胞

胎疑結榮衛調平早生福德智慧之男克遂

富壽康寧之願昌大門戶紹續宗枋得道之

後均拜和平和與道合真

命魔

步虛

控轡適十方 旋魁玄景阿 仰觀劫仞臺

俯躬紫雲羅 道遙太上京 相與坐蓮花
積學為真人 恬然榮衛和 未享無期壽
萬椿異足多

又 大道師玄寂 升仙友无英 公子度靈符

木乙捧洞章 舍利耀金姿 龍駕歛來迎
天尊躬雲輿 飄飄乘虛翔 香華若飛雪
紛為茂玄梁 頭惱禮金關 携手朝玉京

又 驀樹玄景圓 煥爛七霄林 天獸三百名

獅子巨萬羣 飛龍躡蹠鳴 神鳳應節吟
靈風扇奇花 清香散人襟 自无高世才
焉能耽此心

三啓 鬱鬱家園盛 濟濟經道興 天人同其願

縹緲入大乘 因心立福田 塵靡法輪昇
七祖生天堂 我身白日騰

二禮 等至心稽首禮

太上无極大道

巨等至心稽首禮
三十六部尊經
巨等至心稽首禮
玄中大法師

重稱法位

具位 某與臨壇官衆等謹同誠上啓

聖位 聞丹桂五枝由實公之隱德綠槐三
樹本王氏之陰功陰氏親政於漢朝曹后垂
簾於宋代凡後昆寵榮之極由先正福德之
基載藉昭然圖書煥若故作善者降祥而致
禍為惡者肆膏以興災流慶消消本由帝與
垂芳袞袞實自天開今齋主某明發關懷崇
朝注念惟勇嗣之未育恐宗祀之無依深慮
劫始劫終生前生後六因十習跋扈其精神
三業六情纏縈其步武縱邪淫而虧忠信棄
廉恥而叛綱常罵雨呵風怨天詈地唾流星
而視日月指飛電而誇虹霓或輕用深刑致
絕人之祭祀或妄投毒藥遂殺人之子孫或
用刀兵而飛潛之胎孕不知或好屠創而驚
魚之卵巢易破皆絕後嗣或冒前愆或命運

之刑衝或夫妻之剋戰或未產而遽殞或分
梳而遂亡凡此障緣悉由業累自匪願關而
拜手何由造几以敷心是以燒香散花脩齋
行道懺前愆而不犯後社以斯臨所冀仙
聖垂慈真靈錫祐命衛房聖母早疑結於胞

胎道監生大神即產生於胤嗣選日吉時良
而降誕俾福高祿厚以期順子子孫孫式宴
熙朝之日月夫夫婦婦相歡暮景之春秋蒙
賜憐憫允臻快樂上願經法流演洞輔開明
草木蕃鮮煙雲澄歛室家齊慶四時無札瘥
之虞人民協昌五穀有豐登之慶卿雲耀彩
瑞露凝甘夜壑寒庭均被靈光之照冥關幽
路悉承道炁之敷則上明
天尊大慈之化下副 巨等皈命之誠謹啓以
聞

十二願

一願大道淡泊虛無安閑空寂澄清自居廣
開法門教導頑夫皆蒙惠澤精苦是修預
以同學普得升虛與天相保長存無憂
二願諸天結炁澄清高虛廣覆保真固靈氣

候調節四運和平國安民豐普天開寧廣
濟一切惠速有生保劫長存億劫不傾
三願土地覆載无窮安平不陷海淪不崩保
鎮家國死民興從養生安死惠同十方禾
稼滋植營運日豐咸得厚載萬類皆從

四願日月二景高明无有啖蝕虧盈安清光
照諸天洞消暗冥保固劫運世祚和平普
加潤惠澤灑衆生

五願星辰與日月齊光轉燭照耀映明十方
各安其位經緯直行保鎮家國無有災傷
四海寧一普天興昌

六願四時隨節推遷景炁和調無有災患疫
毒消滅普天安平五穀豐熟國富民歡
七願浮雲結炁聚煙飛空高澄陰覆玄玄隱
則無為散則彌天神仙同歸結友衆具惠

八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安
鎮國祚保天無終護度一切莫不仰宗

十願江海湯湯尤極含容恢廓無細不植淵
與衆惠潤加喘息天人獲慶年同劫石
十一願帝王國主日昌四鎮安睦兵革不揚
天人誦唱吉應來翔敷教濟濟感化洋洋
兆庶稱慶長樂未央

十二願壇飛蠢動已生未生成蒙安全普得
生成皆見元炁受陽之形草木果林經冬
不零一切濟度靡不鮮榮和與道合真
存神燒香

香官使者左右龍虎君侍香諸靈官當令
建齋之所自然生金液丹碧芝英百靈衆真
交會在此香火爐前令臣學道得道求仙得
仙齋主受福顯沾恩十方仙童玉女侍衛
蘭煙傳臣向來所啓速達運御
太上无極大道至真玉皇上帝御前

出堂頌

晚朝行道儀

燒香頌

各禮師存念如法

宣衛靈呪

五星高耀 瑞炁飛浮 元始集神 天地交周
玉符寶節 嘯命微幽 擲火揚威 奸凶無留
萬魔振伏 紛葩却消 推怪伐惡 道炁同流
神光照夜 陰翳俱收 萬仙降格 扇景乘颺
群生咸遂 惠遍神州和與道合真

鳴法鼓二十四通

无上三天玄元始三炁太上老君召出臣身
中三五功曹左右官使者侍香金童傳言五
女五帝直符直日香官各三十六人出出者
嚴裝開啓玄壇天帝神君當召此間土地里
域真官正神急上開啓臣今奉為八意以今
晚朝陞壇行道願得
玉清道炁靈寶妙光下降流入臣等身中令
臣所啓速達運御
太上无極大道至真玉皇上帝御前

請稱法位

具位臣某與臨壇官衆等謹同誠上啓

聖位臣聞妙道難名運二儀而化育至真莫
測和四象以生成翕張而梵炁彌羅闔關而
元網流演寂無所寂歎洪濛於象帝之先玄

之又玄騎汗漫於開天之後權衡萬類靈籙
群生皆委悉以結形故稟生而受命臣等當
遷未就鯨化良勤聳壑昂霄徒抱凌雲之志
氣枕流漱石姑隨逐日之精神誓補過以立
功猶學真而領教凡有投告敢不聞聞齊意
青詞謹當宣奏

宣詞

按如詞旨備見衷情臣聞詩詠螽斯耀子孫
之墊墊風調麟趾美公族之振振皆上玄錫
誕以繁昌故下土降生而隆盛儲精昂宿漢
朝毓秀於蕭何孕粹長庚唐代擢華於太白
勳業既富福祿尤昌自非先世流慶以傳芳
曷俾後人榮宗而紹祖今齋主某百神備體
五杰結形荷儀璫之照臨藉圓方之覆載曰
壯有室唱隨徒見其如賓謂文無兒胤嗣莫
諧於順色恐宗枋之不祀致門戶之疇依祖
武未繩宗謀曷付匪藉鴻恩之裕後焉今熊
夢之開先爰潔蝸廬聿崇獅座珠幢翠葆奏
鈞樂於九成絳節霓旌羅寶華而四兩方羅
龍壁按列鳳繒所冀紫綉誕敷丹綸遐布為

齋主共風晞宿累日耀新釐三鳳呈祥振家
聲而夫妻宴喜雙麟應瑞昌世澤而子母團
圓俾廣前開益綿後裔允賴慈悲之被靈歎
曠蕩之恩以今晚朝行道運茲初捨上香
願此香煙騰空逕上供養

无上至真道寶臣等皈身皈神皈命首體投
地仰依太上三尊願以是功德上祝

皇帝陛下伏願道德日新聖明天縱藻旒御
宇執大象以福蒼生靈綏臨朝御飛龍而綏
赤縣仁風披拂化雨涵濡外閣元良極侍膳
問安之孝內庭恭儉備泮衣逮下之仁位陽
儲而繼離明昭陰政而企坤載今故燒香自
皈依

師尊大聖眾至真之德得道之後保天長存
和與道合真

以今晚朝行道運茲二捨上香
願此香煙騰空逕上供養

无上至真經寶臣等皈身皈神皈命首體投
地仰依太上三尊願以是功德歸流四嶽九
牧庶允百僚伏願槐幄論思楓宸獻納鸞臺

夕觀居多忠謹之言鳳閣朝班備論猷謀之
正列棘澄清於庶獄持衡表正於群工保障
孔脩開榆關之刁斗爾絲無競富麥隴之犁
鉏優優一同彬彬三異今故燒香自皈依
師尊大聖眾至真之德得道之後長享和平

和與道合真
以今晚朝行道運茲三捨上香
願此香煙騰空逕上供養

无上至真師寶臣等皈身皈神皈命首體投
地仰依太上三尊願以是功德歸流九州四
海萬姓三軍伏願九軌春臺八荒夏屋尺天
寸地悉歸統御之中丈水分山盡入照臨之
內四鄙撫綏於大定兆民保合於太和日麗
棘門畫畫藏於甲冑風清柳塞夜毋架於弓
刀瑞炁村村祥煙處處今故燒香自皈依

師尊大聖眾至真之德得道之後永保清寧
和與道合真

禮方 儀方
三啓 三禮

禮方 儀方
三啓 三禮

重稱法位

具位臣某與臨壇官某等謹同誠上啓

聖位臣聞父子有親孝實原於天屬夫婦有別義本重於人倫或男生未暮年而傷或胎結未十月而殞皆緣宿孽匪曰今脩故中誠

經區別於條章而感應篇分於品目作善作惡由踐履之純疵趨是趨非本躬行之真妄下愚冥昧上聖監觀今齋主某老大駁尋

寧馨眇希每洗心而三歎惟拊己以再思深慮浩劫循環受生輪轉六根三業每免逐其行藏十惡七情常蟻旋其動靜細常自毀禁

戒多違縱弋獵以焚山林禍延巢卵設網羅而空澤麓殃及孕胎業屠剝於春生折花果於夏長致罹罪報未遂產生或五行衝犯其

命身或三元戰凌其運限應門未先繼緒時依懼如若教之饒而甚至庭堅之不祀夙宵

戰慄斯夕徊徨自非熏沐以向鈞曷俾感通而降祉是以修齋行道祈懺轉經願錫已往之愆尤為降方來之福慶伏冀威願在上靈景居中許改過以自新俾知非而求舊九光

童子為成就其胞胎六甲直符即護持其生育承天而夫妻和合墮地而子母安和克昌戶門永承宗祀蒙監由中之愜允昭濟下之

私上願地紀清寧天綱靜謐儀璫煥耀風雨均調出圖出書疑祥光於河洛同文同軌幸和蒸於車書天垂甘露以生生地湧醴泉而

化化弓旌耀野寥寥空谷之駒軒冕趨朝赫赫鳴岡之鳳陽僚布德陰掾施仁則上明天專大慈之化下副臣等皈命之誠謹啓以聞

十二願

存神燒香

香官使者左右龍虎君侍香諸靈官當今臣建齋之所自然生金液丹碧芝英百靈眾真交會在此香火爐前臣學道得道求仙得

仙齋主受福幽顯沾恩十方仙童玉女侍衛蘭煙傳臣向來所啓速達逕御

太上元極大道至真玉皇上帝御前

出堂頌

靈寶領教濟度金書卷之二百三十七

靈寶領教濟度金書卷之二百三十八二百三十九

祈嗣醮儀
步虛 燒香頌
各禮師存念如法
宣衛靈呪

五星列照煥明五方 水星却災木德致昌
榮感消禍 太白辟兵鎮星四據家國利身
名刊玉簡字錄帝房乘颺散景飛騰太空
出入冥無遊宴十方五雲浮蓋招神攝風
役使萬靈上衛仙翁和與道合具

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉為入春意以